



D.XII.2





ADDITAMENTUM HYMNORUM

QUI DESUNT IN PSALTERIO CHORALL.

*In Festo S. Raynaldi Episcopi
Confessoris.*

HYMNUS.

Ad vesperas.

Quis Tuas dignè, Raynalde, laudes
Concinat, Nostræ columnen salutis
Quem sibi legit Nucerina ritè
Terra Patronum.

Sæculi spernens bona blandientis,
Tendis ad summos nemorum recessus,
Factus à primis generosus annis
Transfuga mundi.

Hic humo stratus gelida flagellis
Membra vix parcis dapibus refecta
Edomans, noctis vigiles precando
Protrahis horas.

Interim terris animo relictis
Mente concendis supernas ad arces
Spontè, ubi Cæli Tibi tota fese
Regia pandit.

Sit decus Patri, Genitæque Proli,
Et Tibi compar Utriusque Virtus
Spiritus, semper DEUS unus omni
Temporis ævo. Amen.

Ad Matutinum Hymnus.

Tanta lux autem modio reposta
Debuit cæco minimè recondi,
Tanta nec virtus medii latere
Abdita Sylvis.
Ergo ut in domo media niteret,
Jussa Sylvarum latebras relinquit
Diceris Pastor, meritosque cingit
Infula crines.

Pastor effectus, teneros Parentis
Induis sensus, fatigisque primum,
Creditos Tibi populos Sacrato
Pascere verbo.
Corporum duros miserans labores
Dulce mox aters sedulus levamen
Omnibus, Christo subigas ut omnes
Omnia factus.

Sit decus Patri, Genitæque Proli,
Et Tibi compar utriusque virtus
Spiritus, semper DEUS unus omni
Temporis ævo. Amen.

Ad Laudes Hymnus.

Laudis æternæ meritis coronis
Ornet ut servum Dominus fidelem,
Corporis tandem laqueo solutus
Æthera scandis.

A

Fa.

Factus hinc illi propior, beata
Pace securus frueris, potensque
Factus es Nobis etiam, potenti
Numine fretus.

Quare age, humanos miserans labores
Aspice, & casus varios Tuorum,
Quæque nos agunt mala pelle summo
Dexter ab axe.

Si Tuas laudes canimus frequenter,
Si Tuas votis cumulamus aras,
Nostra sint tanto benefulta semper
Vota Patrono.

Nun age his nostris precibus vocatus
Protege hanc urbem Tibi dedicatam,
Et Tuos serva, bonus, o! Clientes
Tempus in omne.

Sit decus Patri, Genitæque Proli,
Et Tibi compar utriusque virtus
Spiritus, semper DEUS unus omni
Temporis ævo. Amen

In Festo S. Gabrielis Archangeli Ad vesperas & ad Matutinum Hymnus.

Christe, Sanctorum decus Angelorum,
Rector humani generis, & Auctor;
Nobis æternum tribue benignus
Scandere Cælum.
Angelus fortis Gabriel, ut hostem
Pellat antiquum, volitet ab alto,
Sæpius Templum veniens ad istud
Visere nostrum.

Hinc DEI nostri Genitrix MARIA,
Totus & Nobis Chorus Angelorum
Semper assistat, simul & beata
Concio tota.

Præstet hoc nobis Deitas beata
Patris, ac Nati, pariterque Sancti
Spiritus, cuius reboat in omni
Gloria mundo. Amen.

Ad Laudes Hymnus ut in corpore Psalterii.

In Festo S. Adalberti Episcopi & Martyris P. R. P. Ad vesperas Hymnus.

O! Martyr invictissime!
Plus fortibus fortissime,
Quis gloriose Cantico
Nomen Tuum sat concinat?
Afflatus almo Numine,
Oras adis Pannoniae,
Ibique Regem dogmate,
Prolemque firmas chrismate.

Urbes Poloniæ petis,
Veræ salutis Nuntius,
Pastor bonus Christi fidem,
Verbo DEI doces pridem.

Tandem Borussis finibus,
Ponis triumpho terminum,
Gentes rebelles inferi
In Te furorem concitant.

Stant

Stant veritatis invidi,

Dum Sacra ad aram perfici,
Fodire corpus lanceâ
Manus feroce non pavent.

Hinc semi vivi corporis,
In frusta membra dislocant,
Caput triumpho gloriæ
Cælis in hasta sublevant.

O Victor ergo Nobilis!

Dum te colentes psallimus.
Tuus triumphalis dies
Imploret indulgentiam.

E christianis partibus

Belli timores excute,
Pacem precamur impetrâ,
Donum Tui sit Sanguinis.

Præsta Beata Trinitas,

Divina dones unitas,
Nobis Adalberti preces,
Cæli mereri gloriam. Amen.

Ad Matutinum Hymnus.

Hymnis canamus Martyrem,
Apostolumque, Præfulem
Bohemie, Polonie,
Hungarie, Borussie.

Natus comes hic nobilis,

Morbô puer pressus gravi,
Votô Parentum fit DEO,
Cælo patens oblatio.

Ms. A

Crescit pius vir temperans;

Fit Spiritu plenus DEI.
Scriptura Sacra discitur,
Prius domo non mittitur.

Adit Cathedram pontifex

Sedens equo, fræno levi,
Sancto futuro Præsuli,
Soli reclamant inferi.

Denos alebat Pauperes,

Humi cubabat langvidus.
Mox excitat somnum lapis,
Nox dormientem non videt.

Justus, pudicus, sobrius

Formam ferens Antistitum
Per signa, per miracula,
Exempla tradit omnibus.

Christus videtur venditus,

Gregem dolet deperditum,
Præcepta contemnit, videt,
Gentis salutis providet.

Hastis pio dum Præsuli

Necem parant increduli.
Confosius aris vincitur,
Dum vincit, interficitur.

Auri Levi sat pondere

Corpus redemptum venditum,
Gnesnam suis reducitur,
Pastor salutis redditur.

A. JE.

A. Avulsa fessu

C. et alia tenus impetrat

JESU Redemptor omnium
Dimitte nostra crimina
Da Martyris per præmia,
Æterna nobis gaudia. Amen.

Ad Laudes Hymnus.

O Christe robur Martyrum!
Decus, Corona, præmium.
Firmans Adalbertus fidem,
Pro teste fudit Sanguinem.

Pastor bonus Christi gregis,
Deperditas quærens oves,
In innocentia sanguine,
Pro victima vitam dedit.

Qui tot labores pertulit,
Ut ad salutis pascua
Oves reducat perditas,
Fideque servet creditas.

Nunc efficacem gratiam
Petat suis fidelibus,
Noscat gregem semper suum,
Quem protegat, pascat, regat.

Præfus Bohemis qui prius
Severus & mitis fuit,
Nun. mitius dat omnibus
Cælestis desiderium.

Vigiliis, jejuniiis
Carnem subegit spiritu,
Discamus & nos sensuum
La Spiritu custodiam.

A vanitate saeculi
Cor atque sensus liberet.

Quæramus, ut semper DEUM,
JESUMQUE cordis gaudium.

Præsta Beata Trinitas.

Divina dones unitas,
Nobis Adalberti preces,
Cæli mereri gloriam. Amen.

*In Feste SS. Sepulchri Hierosolymitanæ
ad Vespertas & ad Matutinum Hymnus.*

Sacri sepulchri gloriam,
Christi triumphis inclytam,
Dulci repleti gaudio,
Lætis canamus vocibus.

Huius vetustis saeculis,
Dedit cysterne Symbolum,
Quo missus olim carcerein,
Joseph habebat innocens.

Hoc quem fidelis fortium,
Ambit caterva militum,
A Rege docto conditus,
Expressit olim lectulus.

Hoc et Tuus Daniel Iacus,
Et quæ sopore languidum,
Jonam ratis portaverat,
Hoc in figura nunciat.

O petra gemmis carior!
Thesau're cunctis ditior,
Qualem nec aula Principum,
Nec gaza claudit divitum.

Nam

Nam tu nec auri munera,
Nec Principum fluxas opes,
Sed illud immensum Sacri
Pretium tulisti corporis.

At Christe ditas, qui Tuum
Caro Sepulchrum Sanguine,
Tuos (rogamus) Servulos
Donis Tuis fac divites.

Gloria Tibi Domine,
Qui surrexisti à Mortuis,
Cum Patre & Sancto Spiritu,
In sempiterna Sæcula. Amen.

v. Tuum Sepulchrum adoramus Do-
mine. Alleluia.

v. Et recolimus tuam gloriosam Re-
surrectionem. Alleluia.

Ad iustum Nocturnum.

Psalmi ut in Feste Dedic: Eccles:

v. Ipsum gentes deprecabuntur, Al-
leluia.

v. Et erit Sepulchrum ejus glorio-
sum, Alleluia.

Ad secundum Nocturnum.

Psalmi ut in Feste Dedic: Eccles:

v. Factus est in pace locus ejus, Al-
leluia.

v. Et habitatio ejus in Sion, Alle-
luia.

Ad tertium Nocturnum.

Cantica ut in eadem Dedic:

XXX

v. Erit mihi Dominus in DEUM, Al-
leluia.

v. Lapis iste vocabitur domus DEI,
Alleluia.

Ad Laudes Hymnus.

Audite tristes inferi,
Turbæ frementes hostium,
Vestræ ruinæ Nuntium,
Sacri Sepulchri gloriam.

En jam futuri conscius.

Illam Propheta præcinit,
Et gloriosum posteris
Narrat Sepulchrum sæculis.

Hic ille: Rex fortissimus,
Fractis áverni viribüs,
Et mortis excussō jugo,
Primum trophæa suscitat.

Candore tectus vestium,
Novaque lucis fulgore,
Delapsus astris Nuntius
Hic excubavit Angelus.

Jam temperandum lacrymis,
Satis datum spiriis.
Gravi dolore sauciae
Hic audierunt fæminæ.

Et vos Magistri funere
Planè simul commortui,
Vestro dolori gaudium
Tulistis hic Apostoli.

Tu

Tu vero Christe maxima
Tui sepulchri gloria,
Mortem resurgens viceras,
Nos morte culpæ libera.

DEO Patri sit gloria,
Et Filio qui a mortuis
Surrexit & Paraclito,
In sempiterna saecula. Amen.

v. Dum esset Rex in accubitu suo,
Alleluia.

r. Nardus mea dedit odorem svavi-
tatis. Alleluia.

Ad Tertiam.

v. Tuum sepulchrum adoramus Do-
mine, Alleluia.

r. Et recolimus Tuam gloriosam re-
surrectionem. Alleluia.

Ad Sextam.

v. Verè locus iste Sanctus est Alle-
luia.

r. Et ego nesciebam. Alleluia.

Ad Nonam.

v. Te decet Hymnus DEUS in Sion.
Alleluia.

r. Et Tibi reddetur votum in Jeru-
salem. Alleluia.

In 2dis Vesperis.

v. Ipsum gentes deprecabuntur. Al-
leluia.

r. Et erit sepulchrum ejus glorio-
sum. Alleluia.

In Feso S. Floriani Martyris P. R. P.

Ad vespertas & ad Matutinum Hymnus.

Gratuletur Ecclesia,

Nova laudum præconia;

DEI canens cum gratia;

Pro Floriani gloria.

Hic apud urbem Theciam,

Linquens domum, familiam,

Laureacum accelerat,

Quà Sanctos pati noverat.

Mox à Commilitonibus

Tentus, Verbis, Verberibus,

Jam mulcetur, jam frangitur,

Nec à fide reflectitur.

Hic uncis fractis scapulis,

Vir insons sine Maculis,

Dum jactatur in flumine,

Tortor privatur lumine.

In petra corpus nobile,

Curâ servatur aquilæ;

Quod ut mandet terræ, piam

Martyr monet Valeriam.

Dum ad humandum ducitur,

Jumentum siti premitur,

Mirè tamen reficitur,

Fons novus quia funditur.

DEO

DEO Patri sit gloria,
Et Filio, qui à mortuis
Surrexit, ac Paraclito,
In sempiterna Sæcula. Amen.

Ad Landes Hymnus.

Sæpè Martyr verberatus,
Uncis carnem laceratus,
DEUM, dicens, colo Trinum,
Confutavit Aquilum.
Idem facis Aquilum,
Quod prementes florem spinæ
Pungis, premis Sanctum Florem,
Reddit preslus flos odorem.

Nunc o! Martyr DEI chare,
Fac nos hostes debellare,
Impugnantes fidem Christi,
Quam tenendo, non cessisti.

DEO Patri sit gloria,
Et Filio, qui à mortuis
Surrexit, ac Paraclito,
In sempiterna Sæcula. Amen.

In Feso S. Stanislai Epis: Mar: P. R. P.
In utrisque vespere & ad Matutinum
HYMNUS.

Gaude Mater Polonia,
Prole fæcunda nobili:
Summi Regis Magnalia,
Laude frequenta vigili.

Cuius benigna gratia illi miris
Stanislai Pontificis,
Passionis insignia,
Signis fulgent mirificis.

Hic certans pro justitia DEUM
Regis non cedit furiae:
Stat pro plebis injuria
Christi miles in acie.

Tyranni truculentiam
Qui dum constanter arguit,
Martyrii Victoriam
Membratim cæsus meruit.
Novum pandit miraculum,
Splendor in Sancto cælicus;
Redintegrat corpusculum
Sparsum cælestis medicus.

Sic Stanislaus Pontifex
Transit ad Cæli curiam,
Ut apud DEUM opifex
Nobis imploret veniam.
Poscentes ejus merita
Salutis dona referunt:
Morte præventi subita
Ad vitæ portum redeunt.

Cuius ad tactum annuli
Morbi fugantur turgidi,
Ad locum Sancti tumuli
Multi curantur languidi.
Surdis auditus redditur,
Claudis gressus Officium, Mu-

Mutorum lingua solvitur;
Et fugatur p̄æmonium.
Ergo felix Cracovia,
Sacro dotata corpore,
DEUM, qui fecit omnia,
Benedic omni tempore.
Sit Trinitati gloria,
Laus, honor, jubilatio,
De Martyris Victoria
Sit nobis exultatio. Amen.

In Feste SS. Cordis D. N. J. C.
Ad Vesperas Hymnus.

Auctor beati saeculi,
Christe Redemptor omnium,
Lumen Patris de Lumine,
DEUSQUE verus de DEO.
Amor coégit Te Tuus,
Mortale corpus sumere,
Ut novus Adam redderes,
Quod vetus ille abstulerat.
Ille amor almus artifex,
Terræ, Marisque, & syderum,
Errata Patrum miserans,
Et nostra rumpens vineula.
Non corde discedat Tuo,
Vis illa amoris incliti:
Hoc fonte gentes hauriant
Remissionis gratiam.

Percussum ad hoc est lancea,
Passumque ad hoc est vulnera,
Ut nos lavaret sordibus,
Unda fluente & Sanguine.
Decus Parenti & Filio,
Sanctoque sit Spiritui.
Quibus potestas gloria,
Regnumque in omne est saeculum. A.
V. Ignem veni mittere in terram.
R. Et quid volo, nisi ut accendatur.

Ad Matutinum Hymnus.

En ut superba criminum,
Et sæva nostrorum cohors
Cor fauciavit innocens,
Merentis haud tale DEI.
Vibrantis hastam militis,
Peccata nostra dirigunt;
Ferrumque diræ cuspidis
Mortale crimen acuit.
Ex corde scisso Ecclesia
Christo jugata nascitur;
Hoc ostium arcæ in latere est
Gentis ad salutem positum.
Ex hoc perennis gratia,
Ceu septiformis fluvius:
Stolas ut illic sordidas,
Lavemus Agui in sanguine.
Turpe est redire ad crimina,
Quæ cor beatum lacerent,

Sed

Sed emulemur cordibus,
Flammas amoris indices.
Hoc, Christe nobis, hoc Pater,
Hoc Sancte dona spiritus,
Quibus potestas, gloria,
Regnumque in omne est sæculum. A.

In 1mo Nocturno.

V. Domine dabis pacem nobis.
R. Omnia enim opera nostra opera-
tus es Nobis:

In 2do Nocturno.

V. Conversus est furor tuus.
R. Consolatus es me.

In 3to Nocturno.

V. Ex Sion species decoris ejus,
R. Deus noster manifestè veniet.

Ad Laudes Hymnus.

Cor, Arca legem continens,
Non servitutis veteris,
Sed gratiae, sed veniae,
Sed & Misericordiae.

Cor Sanctuarium novi
Intemeratum fæderis,
Templum vetustò Sanctius,
Velumque scissum utilius.

Te vulneratum charitas

JESU patent voluit,
Amoris invisibilis,
Ut veneremur vulnera.
Hoc sub amoris invisibilis
Passus cruenta & Mystica,
Utrumque sacrificium
Christus Sacerdos obtulit.

Quis non amantem redamet?
Quis non redemptus diligit?
Et corde in isto felicitat
Æterna tabernacula.
Decus Parenti, & Filio,
Sanctoque sit spiritui,
Quibus potestas, gloria
Regnumque in omne est sæculum, A.

V. Verè languores nostros ipse tulit.
R. Et dolores nostros ipse portavit.

Ad Tertiam.

V. Posuit fines tuos pacem.
R. Et adipe frumenti satiat te.

Ad Sextam.

V. Dirupisti Domine vincula mea,
R. Tibi sacrificabo hostiam laudis.

Ad Nonam.

V. Erit Dominus nominatus in si-
gnum æternum,
R. Quod non auferetur.

In 2dis Vesperis Hymnus ut in primis.

V. Haurietis aquas in gaudio.
R. De fontibus Salvatoris.

In Feste S. Julianæ Falconeræ Virginis.

Ad Vesperas & ad Matutinum

H Y M N U S.

Cælestis Agni nuptias,
O! Juliana dum petis,
Domum paternam deseris,
Chorumque ducis virginum.
Sponsumque suffixum cruci,
Noctes, diesque dum gemis,
B. Do-

Doloris icta cuspide.
Sponsi refers imaginem.
Quin septiformis vulnere,
Fles ad genu Deiparæ
Sed crescit infusa fletu,
Flammusque tollit Charitas.
Hinc morte fessam proximâ,
Non usitato te modo,
Solatur, & nutrit DEUS,
Dapem supernam porrigena.
Æterne rerum conditor,
Æterne Fili par Patri,
Et par utriusque spiritus,
Soli Tibi sit gloria. Amen.

In Fæsto S. Joachim Genitoris B. V.
MARIE, Protectoris R. P. & M. D. L.

Ad Vesperas & ad Matutinum
HYMNUS.

Te cuncti Joachim Christiadæ canant,
Te dignum celebrent virginis inclytæ
Patrem, munere, quo nil speciosius,
Nil præstantius obtines.
Annam natus eras connubio parem,
Quæ tecum meruit gignere Filiam,
Nulli consimilem; Mater enim fuit,

Et nutrix hominis DEI.
Ritu præcipuo Te Joachim colit,
Summi Regis Ayum tota Polonia,
Fac ut tuta bonis floreat omnibus

Sub patrocinio Tui.

Semper laus resonet summa Deo Patri,
Æternum maneat Gloria Filio,
Sancto Spiritui sit sine termino,

Qui debetur honos. Amen.
¶. Potens in terra erit Semen ejus.
¶. Generatio rectorum benedicetur.

In 1mo Nocturno.

¶. Justus tota die miseretur, & com-
modat.
¶. Et Semen ejus in benedictione est.

In 2do Nocturno.

¶. Benedictionem omnium gentium
dedit illi Dominus.
¶. Et testamentum suum confirma-
vit super caput ejus.

In 3to Nocturno.

¶. Lex DEI ejus in corde ipsius.
¶. Et non supplantabuntur gressus
ejus.

Ad Laudes Hymnus.

Ad Tuas laudes Joachim beate,
Jangimus nostræ pietatis Hymnum,
Tu piis dona, petimus benignam,
Vocibus aurem.

Prolis optatae mora tædiosa,
Gaudium quodvis Tibi subtrahebat,
Ac diu, fecit doluisse, Patrem
Sera propago.

In DEO tandem quia spem locasti,
Dulce de Cælo recipis levamen,
Dum senex consors sterilisque gignit
Anna MARIAM.

Stirpe

Stirpe maiorum sat in orbe claram
Reddidit virtus magis eminentem;
Quippe Te Christo fieri propinquum

Hac meruisti.

O! nimis felix Genitor MARIAE,
Fer tuis promptum famulis juvamen,
Esto Protector populo fidei

Te veneranti.

Sit DEO Patri, Genitæque proli
Laus, honor, sit par Tibi cultus alme
Spiritus; sacræ Triadi perennet

Gloria summa. Amen.

V. Iustus germinabit sicut lilium.
R. Et florebit in æternum ante Do-
minum.

Ad Tertiam.

V. Benedictionem omnium gentium
dedit illi Dominus.
R. Et testamentum suum confirma-
vit super caput ejus.

Ad Sextam.

V. Factum est illi testamentum æter-
num.
R. Et semini ejus sicut dies Cæli.

Ad Nonam.

V. Justus germinabit sicut lilium.
R. Et florebit in æternum ante Do-
minum.

In 2dis Vesperis Hymnus & V. ut
in primis.

In Officio Gratiarum Actionis pro Victo-
ria ex Turcis obtenta Anno 1621.

Ad Vesperas & Matutinum.

HTMN US.

Superne Regum Rex bone,
Fons pacis & Victoræ,
DEUS Pater sperantium,
Ultor superbientium.
Ad iussa cuius turgidæ
Maris procellæ subfident,
Iras Leones exuunt,
Sol stat stupens, nec se movens
Quo fulgurante desuper
Gentes feroces expavent,
Hostes tremunt, mali freuunt,
Boni triumphant gaudiō.

Tu barbaros, osmaneos
Apros, fugas è vinea,
Poloniæ Regnum tuæ,
A clade dira vindicans.
Ergo Tuo celissimo
Sit Nomi니 laus, gloria,
Qui Trinus ac Unus DEUS,
Per sæcula vivis omnia. Amen.
V. Sancti per fidem fortis facti sunt
in bello.
R. Castra verterunt exterorum.

In 1mo Nocturno.

V. Benedic anima mea Domino.
R. Et omnia, quæ intra me sunt, no-
mini Sancto ejus.

In 2do Nocturno.

V. Iste Deus meus, & glorificabo eum.
R. Dens Patris mei, & exaltabo eum.

In 3tio Nocturno.

V. Benedic anima mea Dominum.
R. Domine Deus meus, Magnificatus es Vehementer.

In Laudibus Hymnus.

Rex magne, Rex altissime,
Virtutis è Throno tuæ
Æternitatem partiens,
Et regna mundi transferens.

Quam sunt inaccessæ Tui
Profunditatem consilii!
Ut est procul Cælum solo,
Arcana sic procul Tu.

Thrax en furoris ferrea,
Qui Virga Divini fuit,
Nunc ipse poenas acriter
Jussu Tuo demens lait,
Sic corda, quando cæteris
Cædem superbè detonant,
Cæduntur, & casu suo
DEI timorem prædicant.

DEO Patri sit Gloria,
Ejusque soli Filio,
Cum spiritu, qui perpetim

Mundum regit custodiâ. Amen.

V. Non est similis Tui in Diis Domine
R. Et non est secundum opera Tua.

Ad Tertiam.

V. Justi decantaverunt Domine no-
men Sanctum Tuum.
R. Et vetricem manum tuam lau-
daverunt pariter.

Ad Sextam.

V. Adorabant Sancti viventem in
sæcula.
R. Et mittebant coronas suas ante
Thronum DEI.

Ad Nonam.

V. Dignus es Domine Deus noster.
R. Accipere gloriam, honorem & vir-
tutem.

In 2dis Vesperis Hymnus & V. ut in 1mis

*In Festo S. Ursulae & Sociarum Virg:
Martyr:*

Ad Matutinum HYMNUS.

Virginis proles, opifexque Matris,
Virgo, quem gessit, peperitque Virgo
Virginis partos canimus decora

Morte triumphos.

Hæc enim palmæ duplicitis beata
Sorte, dum gestit fragilem domare
Corporis sexum, domuit cruentum
Cæde tyrannum

Unde nec mortem, nec amica mortis
Mille pænarum genera expavescens,
Sanguine effuso meruit serenum
Scandere Cælum.

Huius oratu DEUS alme nobis
Debitas pænas scelerum remitte:
Ut Tibi puro resonemus alium
Pectore carmen.

Sit decus Patri, genitæque proli,
Et Tibi compar utriusque virtus,
Spiritus semper DEUS unus omni
Temporis ævo. Amen.

In

In Feste S. Joannis Cantii Conf. P. R. P.

Ad imas Vesperas HYMNUS.

Gentis Polonæ gloria,
Clerique splendor nobilis,
Decus Lycae & Patriæ
Pater Ioannes inlyte.

Legem superni Numinis
Doces Magister, & facis,
Nil scire prodest: seduld
Legem nitamur exequi.

Apostolorum limina
Pedes Viator visitas;
Ad Patriam, quam tendimus,
Gressus viamque dirige.

Urbem petis Jerusalēm,
Signata Sacro Sanguine
Christi colis vestigia,
Signasque fusis fletibus.

Acerba Christi vulnera
Hærete nostris cordibus,
Ut cogitemus consequi
Redemptionis pretium.
Te prona mundi machina,
Clemens adoret Trinitas,
Et nos novi per gratiam,
Novum canamus canticum. Amen.

Ad Matutinum Hymnus.

Corpus domas jejuniis,
Cædis cruento verbere:
Ut castra pænitentium
Miles sequaris innocens.

Sequamur, & nos sedulo

Gressus parentis optimi

Sequamur, ut licentiam

Carnis refrenet spiritus.

Rigente bruma proyidum

Præbes amictum pauperi,

Sitim, famemque egentium

Escâ, potuque sublevas.

Amor petentis populi

Gelu resolyat pectorum;

Plorant egeni; provocent

Stipem gementum lachrymæ.

O! qui negasti nemini

Opem roganti, patrium

Regnum tuere, postulant

Cives Poloni, & exteri-

Sit laus Patri, sit Filio,

Tibique Sancte Spiritus,

Preces Joannis impetrant

Beata nobis gaudia. Amen.

*Ad Laudes Hymnus ut in primis
Vesperis.*

In 2dis Vesperis HYMNUS.

Te deprecante, corporum

Lues recedit, improbi

Morbi fugantur, pristina

Redeunt salutis munera.

Phtisi febrique, & ulceræ,

Diram redactos ad Necem,

Sacratas morti victimas

Ejus rapis è faucibus.

Te

Te deprecante tumido
Meres abactæ flumine,
Tractæ DEI potentia
Sursum fluunt retrogradæ.
Cum tanta possis sedibus,
Cæli locatus; poscimus,
Responde votis supplicum,
Et in vocatus subveni.
O! una semper Trinitas,
O! tria semper unitas,
Da supplicante Canto
Æterna nobis præmia. Amen.

In Officio SS. M. M. & aliorum SS.
quorum Reliquiae in Ecclesiis Ordinis
Nostræ asservantur.

In 1mis Vesperis.

v. Custodit Dominus omnia ossa
eorum.
R. Unum ex his non conteretur.

In 1mo Nocturno.

v. Dormiunt in terræ pulvere.
R. Evigilabunt in vitam æternam.

In 2do Nocturno.

v. Justi quasi virens folium germini-
nabunt.
R. Non commovebitur radix eorum.

In 3tio Nocturno.

v. Cum Christus apperuerit vita ve-
stra.
R. Tunc & vos apparebitis cum ipso
in gloria.

In Laudibus.

v. Sit memoria justorum in benedi-
ctione.
R. Et ossa eorum pullulent de loco
suo.

Ad Tertiam.

v. Sapientiam Sanctorum narrent
populi.
R. Et laudem eorum nuntiet Eccle-
sia.

Ad Sextam.

v. Non derelinquet Dominus San-
ctos suos.
R. In æternum conservabuntur.

Ad Nonam.

v. Gloriosus DEUS in Sanctis suis.
R. Mirabilis in Maiestate faciens
prodigia.

In 2dis Vesperis.

v. Consolabor vos & gaudebit cor
vestrum.
R. Et ossa veltra quasi herba ger-
minabunt.

*Commemorationes Sanctorum Regni Po-
loniae Patronorum.*

*De SS. Benedicto & Romualdo ad Ve-
speras & ad Laudes.*

Antiph: Isti sunt duæ olivæ, & duo
candelabra lucentia ante Dominum.

v. Justi autem in perpetuum vivent.
R. Et apud Dominum merces eorum.

ORA-

O R A T I O.

Fac nos quæsumus Domine, Beatorum Patrum nostrorum Benedicti & Romualdi hic imitari labores, ut eorum gloriae participes esse mereamur in Cælis.

*De S. Adalberto. E. M. Antiphona
ad Laudes.*

Sacerdos DEI Adalberte, Martyr & Pontifex gloriose, intercede ad Dominum pro devotis famulis.

Ad Vesperas Antiphona.

Per merita S. Adalberti Christe nos exaudi, atque ejus precibus nobis succurre miseris.

V. Poluisti Domine super caput ejus.

R. Coronam de lapide pretioso.

O R A T I O.

Tuam nobis indulgentiam, quæsumus Domine, Beatus Adalbertus Episcopus & Martyr imploret, ut & delicta nobis clementer ignoscas & beneficia desiderata concedas.

De S. Stanislao Episc: & Mart:

Ad Laudes Antiphona.

Martyr DEI Stanislaus gliosus Pontifex, quem occidit Boleslaus truculentus Princeps, Pastor bonus & Patronus adsit nobis opifex & virtutum artifex.

Ad Vesperas Antiphona.

Vir inclyte Stanislæ, vitâ, signis, passione, plebem tuam Pastor bone, fove benedictione, gubernat protectione, salva Sancta intercessione.

V. Magna est gloria ejus in salutari Tu.

R. Gloriam & magnum decorem impones super Eum.

O R A T I O.

DEUS, pro cuius honore gloriosus Pontifex Stanislaus, gladiis impiorum occubuit, præsta quæsumus, ut omnes qui eius implorant auxilium, petitionis tuæ salutarem consequantur effectum.

In Eremo SS. 5. Martyrum.

Ad Laudes & Vesperas Antiph:

Gaudent in Cælis animæ Sanctorum, qui Christi Vestigia sunt secuti, & & quia pro ejus amore Sanguinem suum fuderunt, ideo cum Christo exultant sine fine.

Vel alia Antiph: hac impedita.

V. Exultate justi in Domino.

R. Rectos decet collaudatio.

O R A T I O.

Sanctorum nos quæsumus Domine Martyrum Tuorum, Benedicti, Joannis, Mathæi, Isaaci, atque Chri-

Christini, gloria hodierna die
trophæa lætificant, quatenus eo-
rum interventione ad illam per-
veniamus hæreditatem, in qua
Iudem felices Angelorum cætibus
aggregati, Tuæ semper Maiestatis
perfuruunt ineffabili claritate.

*In Eremis Lithvanicæ de S. Casimiro Conf:
Ad Laudes Antiph:*

Euge serve bone & fidelis, quia in
pauca fuisti fidelis, super multa
te constituam, intra in gaudium
Domini tui.

Ad Vesperas Antiph:

Similabo Eum viro sapienti, qui ædi-

sicavit domum suam supra pe-
tram.

Justus germinabit sicut Lilium.

Et florebit in æternum ante Do-
minus.

ORATIO.


DEUS, qui inter Regales delicias,
& mundi illecebras, Sanctum Ca-
simirum virtute constantiae robo-
rasti: quæsumus, ut ejus interces-
sione fideles Tui terrena despici-
ant, & ad Cælestia semper aspi-
rent.


Ut in omnibus glorificatur
DEUS, Reg: S. Benedicti

Cap: 57.



O S A T I O





44606

1000f

D.XII.2



Bibliotheca
P.P. Camaldulensium in Bielany

Depozyt w Bibliotece Jagiellońskiej



03655

D-